

plicabile. Nam si, *v. gr.* in tali apertura quæ januarum est, duo mutuli *ab*, *gb*, (TAB. V. Fig. 4.) in murum immittuntur, tertius *ec*, murum contiguum præcise non requirit; sed in ferri quadam compage, longe de muri plano prominente, valide satis firmari potest.

Multa præterea sunt quæ in hoc organo aliter aut forte melius disponi possent; sed longus nimis forem omnia cogitata mea in medium hoc loco prolatus. Sufficiat artificium scopo congruens monstrasse, idque non ingratum penitus astronomis fore confido.

XIX. *Observationes duæ Alberti Haller, Prof. Med. Gotting. R. S. S. Lond. S. Fabricæ morbosæ in Cadaveribus repertæ.*

OBSERVATIO I.

Read May 7. 1747. IN fœmina quadragenaria reperi venam cavam inter renalis sinistræ originem, et inter iliacas venas, enormiter angustatam, ut vix quidquam transmitteret. Aliquid tamen polyposi duri sanguinis in ejus cavitate, quæ inter crassas membranas arctissima fuit, repertum est. Vena vero spermatica dextra enormiter dilatata, unciali diametro venæ cavæ locum subiit, et sanguinem, exclusum a via solita, reddidit ureteris venæ, alioquin in fano corpore exiguæ, ortæ ab iliaca dextra.

Rarisimi hujusmodi coalitus exemplum aliud reperi in JOHANNIS RHODII *Mantiss. Anatom. Obs.* XXI.

Ex utroque constat, etiam in maximis truncis vaforum corporis humani morbos subnasci posse, et obstructionem in venis vere dari; et canales minimos, quando sanguinis, solitis viis exclusi, impetus eo vergit, patentissimos reddi posse.

IN

O B S . II.

IN foemina decrepita, quam centum annorum ætate esse dictabant, non tamen ita firma fama, ut eam sequi tuto licet, ætatis summæ aliqua vestigia reperi.

Tota corporis fabrica durior fuit, vel cultro judice. Glandulæ congregatae sanæ, sed similes fere renalis carnis firmitati; nervi præduri; cellulosa tela ubique vix scissilis; costarum cartilagines nondum osseæ, nisi supremam velles, quæ cum sterno, nexus vix ullum discriminis vestigium relinquente, conferruminata erat. Sed in ea costa id non rarum est.

Verum in arteria magna multæ mortis causæ fuerunt. Amplissima primum aorta, qua ex corde prodit, ut quinque unciarum et linearum duarum esset ambitus. Deinde aperto hoc, non aneurysmate quidem, sed amplissimo tamen sanguini adparuit.

1. Valvulas cordis arteriosas partim induratas, partim etiam petrosis tumoribus varias esse, perinde uti COWPERI fere figuræ demonstrant [*Myolog. reform.* T. XI.]; reliquæ valvulae venosæ et arteriosæ cordis vix mutatae.

2. In arteria aorta, tum ad cor, tum in thorace, in abdomen denique, membrana interna undique lacera, quasi scabendo in eminentes cristas liberas, fluctuantes, mutata, tamquam ulcere aliquo consumpta esset. Hæ squamæ passim osseæ erant, alicubi etiam petrosæ, et acervi tophaceorum granorum plerorumque vasorum ex aorta oriundorum ostia obsidebant. Membrana musculosa sana fuit, tum externa, ut vitium omne in intima federet.

3. In hypogastricis, iliacis, pelvis, arteriis, et iis quæ ex pelvi ad nates exeunt, plurimæ crustæ osseæ, subflexiles tamen, in quas mutata erat interna harum arteriarum

arteriarum membrana, ita tamen adhærentibus fibris carneis, ut paſſim calculosæ squamæ ductibus transversis inscriberentur. Nihil tamen hic petroſi. In omnibus arteriis corporis prædura et figurata teretia sanguinis crassamenta, suo canali tamen minora.

4. Vesicula fellea flava bile vix amara plena, et calculis ad viginti, exiguis, angulosis, quorum unus ita obſidebat ostium ductus cystici, propius paulum choſidocho, quam prima cystici valvula, ut bilis, contra quam folet, ex vesicula premendo expelli non posset. Dulcedinem in bile, quando in calculos coivit, piceumque reperire soleo.

Hæc fere fuerunt, quæ observationem mererentur, et demonstrant arteriarum internam membranam ab iectibus repetitis cordis tandem partim indureſcere, partim inter ossificata spatia rumpi, ſic debilitari truncum aortæ, et ad aneurysmata redi pronum. Demonstrat etiam in ipso ſanguine ubique terram veram calculoſam circumvehi, nec in renalibus ſolum viis deponi, ſed ibi hærere et congeri, ubi ruptæ ſunt leviflīmæ membranæ vasorum, et adtractio terrearum molecularum ad asperas inæquales superficies major est.

*XX. A Letter from Mr. David-Erskine Baker
to the President, concerning the Property
of Water Efts in ſlipping off their Skins as
Serpents do.*

S I R,

London, May 13. 1747.

*Read May 14.
1747.*

AS several little Particularities in the Production or Changes of Animals may be found of considerable Service to assist us in